

明  
詩  
紀  
事

胡元瑞謂孝廟以還詩人多顯達茶陵崛起蔚爲雅宗石淙  
匏菴篁墩東田熊峯東江輩羽翼之皆秉鈞衡長六曹挾風  
雅之權以命令當世三楊臺閣之末派爲之一振然雖希宋  
體音闕盛唐樂府或創新製疊韻競侈聯篇迨李何起而壇  
坫下移郎署古則魏晉律必盛唐海內翕然從之譬之力侔  
賁育則勇夫奪氣音希韶禮則他樂不請取法乎上勢不得  
而阻也今錄天順以後五十年之詩都爲丙集李何則另爲  
一集以見振興詩教之功焉光緒丙午孟冬黔靈山樵陳田

光緒丙午貴陽  
陳氏聽詩齋刊

明詩紀事內籤目

卷一

李東陽 二十一首

顧清 二十七首

卷二

楊一清 二十一首

卷三

吳寬 三十一首

馬中錫 三十六首

卷四

彭韶 一首

王克復 一首

周謨 一首

左贊 二首

徐貫 一首

虞勳 一首

王佐 一首

張濬 一首

張元禎 一首

陳煒 一首

黃孔昭 一首

陳選 一首

祁順 二首

鄭紀 一首

彭教 一首

陸鉞 三首

張泰 八首

謝鐸 四首

倪岳 一首

劉大夏 二首

陳音 一首

吳希賢 三首

郭璽 一首

倪輔 一首

沈榮 一首

林榮 一首

官廉 一首

桑悅 三首

文洪 一首

卷五

羅倫 一首

程敏政 三十二首

黃仲昭 一首

章懋 一首

張弼 十四首

賀欽 一首

林瀚 一首

陸容 十七首

韓文 一首

潘禎 一首

陸淵之 一首

張海 二首

林克賢 一首

戴縉 一首

卷六

張昇 一首

董越 二首

邵珪 五首

屠勲 三首

周瑛 五首

楊先溥 六首

陳紀 一首

馮蘭 一首

丁鏞 三首

曹時中 一首

李晟 一首

呂燾 一首

李仁傑 一首

文林 二首

鄧庠 二首

楊榮 一首

高昂 一首

胡超 一首

林壘 一首

蕭顯 一首

張敞 一首

卷七

謝遷 一首

王鏊 十二首

王弼 七首

彭綱 一首

徐源 一首

文貴 一首

朱訥 一首

萬綸 一首

楊守陟 一首

楊廷和 一首

劉忠 五首

梁儲 一首

林俊 六首

陳章 一首

李韶 一首

黃文琳 一首

鍾瓘 一首

林廷選 一首

趙寬 一首

張吉 一首

盧格 二首

葉元玉 一首



方向 一首

鄭瑗 一首

彭甫 一首

卷八

邵寶 七首

儲巵 十四首

喬宇 一首

王雲鳳 五首

張志清 一首

蔡清 一首

張詡 二首

楊循吉 四首

黃瓚 一首

董樸 一首

貢欽 一首

林廷玉 六首

藍章 二首

陳袞 一首

卷九

費宏 二首

石珪 二十首

蔣冕 二首

毛紀 三首

吳廷舉 二首

陳鎬 一首

楊廉 一首

王鴻儒 六首

吳儼 一首

羅玘 二首

傅珪 一首

李文祥 一首

鄒智 一首

李堂 二首

夏鍬 四首

楊子器 一首

周旋 一首

盧濬 一首

文森 一首

陸完 一首

林光 一首

卷十

姚綬

四首

李應禎

一首

周鼎

四首

林景清

二首

金琮

一首

蔣文藻

一首

慮儒

二首

朱應祥

一首

朱存理

三首

卷十一

秦旭

七首

陳懋

一首

施廉

一首

吳文鳳

一首

甘應奎

一首

陸潤玉

三首

龍瑄

二首

趙不踰

一首

劉常一首

祝祺一首

賀承一首

羅頤二首

劉銳一首

孔克晏一首

陳延齡一首

鄭延二首

史傑四首

李仲訓一首

吳一式一首

鍾禧二首

卷十二

秦爽五首

秦旦一首

秦爽二首

陳焯一首

陳桂一首

樊阜八首

樊昌一首

樊鐸一首

莫藏 一首

莫遜 一首

吳鑽 五首

吳元鑑 一首

吳信 二首

吳敏 三首

明詩紀事

貴陽陳田輯

丙籤

李東陽二十首

東陽字賓之茶陵州人天順甲申進士改庶吉士授  
編修累遷侍講學士厯左庶子太常少卿擢禮部侍  
郎直文淵閣參預機務進太子少保禮部尙書文淵  
閣大學士加少傅再加少師卒贈太師諡文正有懷

麓堂集一百卷

四庫總目東陽文章爲明一代大宗自李夢陽何景明  
崛起弘正之間倡復古學文必秦漢詩必盛唐才學  
足以籠罩一世茶陵之光燄幾燼逮北地信陽之派  
轉相摹擬流弊漸深論者乃稍稍復理東陽之傳以

相持杜平心而論何李如齊桓晉文功烈震天下而  
霸氣終存東陽如褒周弱魯力不足禦強橫而典章  
文物尙有先王之遺風殫後來雄偉奇傑之才終不  
能擠而廣之亦有由矣  
楊一清石淙類稿西涯先生高才絕識獨步一時詩  
文深厚雄渾不爲側奇可駭之辭而法度森嚴思味  
雋永古意獨存  
詩談長沙李東陽大韶一奏俗樂俱廢中興宗匠邈  
焉寡傳  
餘冬敘錄西涯先生晚年耽對棊酒春不善棊然壽  
村有客未嘗不與頗以爲勸先生曰將何消日春日  
詞翰熟自天成足娛日力旣惠後生又垂遠世先生  
笑曰此後生計吾老不暇爲此一日先生在某酒間  
有奉當道命以巨軸乞詞翰者踵至先生弗怡大書  
一絕云莫將性命作人情寫字吟詩總害生惟有圍  
棋堪遣興客來時復兩三枰春觀之悚然知先生前  
意之所在也  
升菴集唐子元薦與子書論本朝之詩弘治間文明  
中天古學煥日藻苑則李懷麓張滄洲爲赤幟而和  
之者多失於流易  
夢蕉詩話以爲成熈試進士李西涯與諸老讀卷  
相與倡和

雲邊曉日中天見夢裡春雷昨夜聲星辰晝下尚書  
履風日晴宜進士市諸作中最為警句人多誦之  
翰林記弘治初上注意講學遣太監戴義傳示聖意  
命學士李東陽等各撰詩十首用寓啟沃東陽擬十  
題各撰七言律詩一章曰敬天曰法祖曰勤政曰務  
學曰任賢曰納諫曰節用曰愛民曰恤刑曰講武上

嘉納焉

藝苑卮言李文正為古樂府一史斷耳十不能得一

黃才伯辭不稱法顧華玉邊庭實劉伯溫法不能勝辭

此四人者十不能得三王子衡差自質勝十不能得

四徐昌穀雖不得叩源推委而風調高秀十不能得

五何李乃饒本色然時時已調雜之十不能得七于

辨字字合矣然可謂十不失一亦不能得八

弁州讀書後嚮者於李賓之擬古樂府病其太涉議

論過爾翦抑以為十不得一自今觀之奇旨創造名

語疊出縱不可被之管弦自是天地間一種文字

崔廷槐樓谿集西涯樂府優於詩

四溟詩話李西涯閣老善詩門下多詞客劉梅軒閣

老忌之聞人學詩則此之曰就作到李杜只是酒徒

李空同謂劉因墮廢食是也西涯久於相位陸滄浪

以詩諷之曰聲名高與斗山齊伴食中書日已西回

首湘江春草綠鵲鵲鵲子規號

尺蠖卷一

二



四友齋叢說李西涯當國時其門生滿朝西涯又喜  
延納獎拔故門生或朝罷或散衙後即羣集其家講  
藝談文通日徹夜率歲中以爲常一日有一門生歸  
省兼告養病還西涯集同門錢之即席賦詩諸人中  
獨汪石潭才最敏詩先成中有一聯云千年芝草供  
靈藥五色流泉洗道機眾人傳玩以爲絕佳西涯將  
後一句抹去令石潭重改眾皆愕然西涯曰歸省便與  
養病是二事今兩句單說養病不及歸省便是偏枯  
且又近於合盤眾請西涯續之西涯即援筆書曰五  
色宮袍當舞衣眾始嘆服  
存餘堂詩話李文正公懷麓堂稿五月七日泰陵忌  
日詩云祕殿深嚴聖語溫十年前是一乾坤孤臣林  
壑餘生在帝里金湯舊業存舜殿南風難解慍漢陵  
西望欲銷魂年年此日無窮恨風雨瀟瀟獨閉門讀  
之使人拖卷流涕  
詩藪成化以還詩道旁落唐人風致幾於盡驥獨文  
正才具宏通格律嚴整高步一時興起何李厥功甚  
偉  
王兆雲烏衣佳話西涯李公曾與客聯句折敝襟中  
故絮以代燭人或謂其好奇之過余曰不然亦古人  
刻燭之遺意耳其次白洲留別詩有看花不厭傷多  
酒燃絮還供未了詩蓋紀其實也

國史唯疑李長沙云余今年作詩止詩自戒越兩月  
爲鳴治師召所督得聯句四章鼎儀聞之折簡告罰  
乃以雞酒往受盟鳴治師召以猪紅三斤蛤蜊數十  
爲助享父明仲聞亦來稽師召太常音鳴治謝文肅  
鐸太平休暇詞臣共詩酒爲樂最福德事所欲饌僅  
爾儉質具見

列朝詩集文正以金鐘玉衡之質振朱弦清廟之音  
含咀宮商以納和雅渢渢乎洋洋乎長離之和鳴共  
命之交響也

明詩選陳卧子云文正網羅羣彥導揚風流如帝釋  
天人雖無宗派實爲法門所貴

池北偶談海鹽徐豐厓詩談云本朝詩莫盛國初莫  
衰宣正至弘治西涯倡之空同大復繼之自是作者  
森起於今爲烈當時前輩之論如此蓋空同大復皆  
及西涯之門牧齋撰列朝詩集乃力分左右祖長沙  
何李界若鴻溝後生小子竟不知源流所自誤後學  
不淺

高士奇天祿識餘明朝典禮中有慶成宴每宴必傳  
旨云滿斟酒又云官人每飲乾故西涯李文正公詩

云坐擁日華看漸進酒傳天語飲教乾蓋紀實也

明詩別裁永樂以後詩茶陵起而振之如老鶴一鳴  
喧啾俱廢後李何繼起廓而大之駿駉乎稱一代之

下卷一  
盛矣王元美謂長沙之於何李猶陳涉之敗漢高此  
習氣未除不免抑揚太過宜招後人之培植也  
田按西涯宏才碩學汲引風流播之聲詩洵足領袖  
一時惟和業差有可議耳

### 尊經閣

尊經閣高不可攀前有文宣宮後有鍾陵山

周鑑遜國忠紀周是修江西泰和人建文初爲衡府  
紀善衡王者建文君弟也尙未之國是修留京預修  
蘇翰林數陳論國家大計北兵渡淮與蕭用道上書  
指斥用事者誤國用事者怒共挫折之屹不爲動北  
兵渡江宮中自焚是修留書別友人付以後事具衣  
冠爲贊紫衣帶上入應天府學拜先師畢遂自縊於  
尊經閣年  
四十九

### 花將軍歌

花將軍身長八尺勇絕倫從龍渡江江水渾提劍躍馬走平  
陸敵兵不能逼主將不敢噴殺人如麻滿川谷徧體無一刀

鎗痕太平城中三千人楚賊十萬勢欲吞將軍怒呼縛盡絕  
罵賊如狗狗不狴檣頭萬箭集如蝟將軍願死不願生作他  
人臣郗夫人赴水死有妻不辱將軍門將軍侍婢身姓孫收  
尸葬母抱兒走爲賊俘虜隨風塵寄兒漁家屬漁姥死生已  
分歸蒼旻賊平身歸竊兒去夜宿陶穴如生墳亂兵爭舟不  
得渡墮水不死如有神浮槎爲舟蓮爲食空中老父能知津  
孫來抱兒達行在哭聲上徹天能聞帝呼花雲兒風骨如花  
雲手摩膝置泣復嘆雲汝不死猶兒存兒年十五官萬戶九  
原再拜君王恩忠臣節婦古稀有嬰杵尙是男兒身英靈在  
世竟不朽下可爲河嶽上可爲星辰君不見金華文章石室  
史嗟我欲賦豈有筆力回千鈞

黃金開國功臣錄花雲守太平僞漢陳友諒以舟師  
圍太平雲率麾下三千餘人結陣迎戰三日友諒不  
得入乃引巨舟泊城西南士卒緣舟尾攀堞而上城  
中乏食雲士馬俱餓遂陷賊縛雲急雲怒罵賊奴爾  
縛吾者刀殺五六人復罵曰虜非吾主敵也曷不趣  
奪守者刀殺五六十人復罵曰虜非吾主敵也曷不  
降賊怒碎雲首縛於舟檣眾射之雲至死罵賊不少  
變雲妻邵氏生一子煒甫三歲初雲與賊戰方急邵  
氏抱兒拜家廟泣謂家人曰今城且破吾夫忠義人  
必以身死之吾夫死吾必不獨生花氏惟一兒若等  
善撫之雲就擒邵氏赴水死侍兒孫氏收邵氏屍葬  
之遂抱兒欲逃他所爲僞漢軍虜之至九江軍惡小  
兒唬孫氏恐兒遇害以簪餌屬漁家嫗鞠之曰此兒  
良宜善視之後王師伐僞漢屬漁家脫身至漁家視  
兒在鰲漁人出竊負以走宿陶穴中明日出江許備  
舟以渡遇漢潰軍還爭舟掉孫氏及兒投之江方出  
沒波中有斷木自上游浮至附之入蘆渚中渚有蓮  
實孫氏取啗兒凡七日不死忽夜半聞人語聲呼之  
逢老父號雷者告之故與其偕行遂上所上聞雲兒  
卽呼入見孫氏泣抱兒拜上上亦泣寘兒於膝曰此  
花雲子將種也命賜老父衣老父已不見追之無所  
得衆咸以爲神兒年十三授虎賁後衛千戶後命爲

水軍左衛  
指揮僉事

學士柏

我行樹陰日干市雨葉風枝自蕭颯惟有諸生識我情旁人  
不解空嘲狎我見先生種樹年我身尙短樹及肩枝蟠江山  
地可縮平斡造化天無權瓊臺翠閣何森爽院柳庭花敢爭  
長庇蔭長留六月陰盤迴直與孤雲上材堪五鳳難爲用根  
到九泉終不枉零落青袍幾故人琮琤玉佩空遺響當時院  
長文安公柯亭劉井相西東百年遺愛豈獨此此樹欲比人  
中龍樹猶如此我何似已愧斑白非兒童名收懷栢有先後  
壽比金石無終窮下堂再拜想顏色仰面正拂長髯風

翰林記公嘗後堂有二柏柯學士潛所植潘教庶吉  
士時李東陽承詔受業及東陽復教庶吉士出學士

柏爲題汪俊有一日百市行樹底之句東陽悵然感  
之因衍爲一篇云云於是倡和成卷以遺潘之子使  
藏焉蓋潛能汲引後進令人不忘如此

過安平鎮減水石壩有懷劉司馬長句

黃陵江頭河水黃衝沙走石聲礚礚北趨平原下廣澤直使  
運道無津梁坐令漕舟百萬若山壘買船到此徒紛龐帝遣  
臺臣出治水水性硯兀難爲降千金作埽萬夫力頃刻下墜  
輕毫芒臺臣焦思廢食寢夜夢神禹授以玉簡青琳琅水行  
在導不在障豈以土石爭濤瀧地靈順軌水怪伏河遂南徙  
歸徐方因高爲陵下爲澤復有石壩磊犖長如岡豐功偉績  
不可以數計此乃餘力非末強憶昔文皇建都向燕薊中導  
汶泗通漕綱尙書宋公富經略世上但識陳恭襄武功何人

亦奇士盛以勳績爲文章四十餘年復一決嘆此成績安可  
忘帝命儒臣分書刻金石此記正屬臣東陽使船東來一登  
眺風日颯爽炎天涼是時臺臣入兵省我在江湖思廟廊但  
願此岡不墮河不徙縱有帶礪無滄桑

田按永樂九年濟甯州同知潘叔正上言舊會通河  
四百五十餘里淤者乃三之一潘之便乃命工部尙  
書宋禮刑部侍郎金純都督周長往治凡發山東及  
徐州應天鎮江民三十萬二十旬而功成論功禮第  
一受上賞潘叔正亦賜衣錢十年禮復建言海運經  
歷險阻計海船一艘用百人而運千石其費可辦河  
船容二百石者二十船每船用二十人可運四千石  
以此而論利病較然請撥鎮江鳳陽淮安揚州及交  
州糧合百萬石從皆通河運給北京其海道則三歲  
兩運已而平江伯陳瑄治江淮間諸河功亦相繼告  
竣於是河運大利便漕粟益多十三年遂罷海運雷  
鯉列卿記云禮有微過朝廷督責之革其冠帶止服  
儒巾治事其權中微而平江伯之功益彰故今人惟  
頌平江而不及宋禮故邱文莊公嘗過會通河有感



賦詩云清江浦上臨清明。簫鼓叢祠飲餞餘幾度會  
通河上過更無人語宋尚書後李文正公各有詩其  
意在言表卽此詩所謂文皇建都向燕薊中導汶泗  
通漕網尚書宋公富經略世上但識陳恭襄恭襄平  
江伯謐也厥後弘治中主事王寵始請爲禮立祠詔  
祀之南旺湖上以金純周長配邵文莊歸興詩云漕  
隄楊柳昔人功六月清陰處處同我有辨香何所致  
禮官新祀宋司空紀其事也鄭端簡今言云嘉靖癸  
卯王湛泉與齡爲文選郎中起用周恭肅公以工部  
尙書總理河道忌王永樂初開會通河尚書宋禮實始  
其事以西涯詩所謂幾渡會通河上望竟無人說宋尙  
書此蓋端簡誤記邱  
詩爲李詩附正於此

### 題清明上河圖

宋家汴都全盛時四方玉帛梯航隨清明上河俗所尙傾城  
士女攜童兒城中萬屋疊甍起百貨千商集成蟻花棚柳市  
圍春風霧閣雲窗燦朝綺芳原細草飛輕塵馳者若飈行若

雲虹橋影落浪花裏，  
捩舵撇篷俱有神。  
笙歌在樓遊在野，  
亦有驅牛種田者。  
眼中苦樂各有情，  
縱有丹青未堪寫。  
翰林畫史張擇端，  
研朱吮墨鏤心肝。  
細窮毫髮夥千萬，  
直與造化爭雕鐫。  
圖成進入緝熙殿，  
御筆題籤標卷面。  
天津一夜杜鵑啼，  
倏忽春光幾回變。  
朔風捲地天雨砂，  
此圖此景復誰家。  
家藏私印屢易主，  
贏得風流後代誇。  
姓名不入宣和譜，  
翰墨流傳藉吾祖。  
上有先提舉跋獨從憂樂感興衰，  
空弔環州一抔土。  
豐亨豫大紛彼徒，  
當時誰進流民圖。  
乾坤頽仰意不極，  
世事榮枯無代無。

都穆寓意編清明上河圖藏閣老長沙公家公以穆  
遊門下且類知書畫每暇日輒出所藏命穆品評此  
蓋公生平所寶祕者觀其位置若城郭市橋屋廬之  
遠近高下草樹馬牛馳駭之大小出沒以及居者行

者舟車之往還先後皆曲盡意態毫髮無遺蓋汴京  
盛時偉觀可按圖而得而非一朝夕之所能者其用  
心亦良苦矣圖有金大定丙午燕山張著跋云翰林  
張擇端字正道東武人也幼讀書遊學京師後習繪  
事工於界畫自成一家又引向氏圖畫記謂擇端復  
有西湖爭標圖與此並入神品元至正王辰西昌楊  
準跋則謂前有徽廟標題後有金諸老詩及私印若  
干今皆不存長沙公自爲詩細書其後  
李坤元忍齋雜識王公思質爲分宜害實以清明上  
河圖故圖寸馬豆人爲宋朝人手筆思質得之價止  
二百金係先曾叔祖捐菴公居間者狷菴名如訥郎  
儀部敬齋子而思質從甥子嘗見思質任制府日致  
狷菴手書始悉其由既分宜案取此圖思質以臨筆  
與之而分宜門下客精於辨畫者視知其故從思質  
假金思質拒之因白分宜言圖之僞復披細觀指其  
絀漏處云安有一小鳥脚而跨二瓦溝之理分宜大  
怒遂借端中傷以圖之微而竟嬰禍殞身君子責備  
賢者謂思質實自貽伊戚焉  
野獲編嚴分宜勢熾時以諸珍寶盈溢遂及鬻畫骨  
董雅事時鄢懋卿以總離使江淮胡宗憲趙文華以  
督兵使吳越各承奉意旨蒐取古玩不遺餘力時傳  
聞有清明上河圖手卷宋張擇端畫在故相王文恪

曹君家其家鉅萬難以阿堵動乃託蘇人湯臣者往  
圖之湯以善裝潢知名客嚴門下亦與婁江王思質  
中丞往還乃說王購之王時鎮薊門即命湯善價求  
市既不可得遂屬蘇人黃彪摹真本應命黃亦畫家  
高手也嚴氏既得此卷珍爲異寶用以爲諸畫歷卷  
置酒會諸貴人賞玩之有妒王中丞者知其事直發  
爲贗本嚴世蕃大慚怒頓恨中丞謂有意結之禍本  
自此成或云卽湯姓怨弇州伯仲自露始末不知然  
否以文房清玩致起大獄嚴氏之罪固當誅但張擇  
端者南渡畫院中人與蕭照劉松年輩比肩何以聲  
價陡重且爲崇如此  
田按王氏與分宜構禍之由不僅爲此圖然此圖亦  
賈禍之一端也李坤元沈德符所紀各有不同姑兩  
存其說後此圖流傳董香光尙及見之見容臺集都  
南濠稱賞鑒家王氏所藏卽西涯所題圖也錄西涯  
詩附著其事於此

### 渡江

秋風江口聽鳴榔  
遠客歸心正渺茫  
萬里乾坤此江水  
百年風日幾重陽  
煙中樹色浮瓜步  
城上山形繞建康  
直過眞州

更東下夜深燈影宿維揚

四溟詩話李西涯曰詩用實字易用虛字難盛唐人善用虛字開口呼喚悠揚委曲皆在於此用之不善則柔弱緩散不復可據夏正夫謂涯翁善用虛字若萬古乾坤此江水百年風日幾重陽是也

寄彭民望

斫地哀歌興未闌歸來長缺尚須彈  
秋風布褐衣猶短夜雨江湖夢亦寒  
木葉下時驚歲晚人情閱盡見交難  
長安旅食淹留地慚愧先生苜蓿盤

麓堂詩話彭民望始見予詩雖時有賞歎似未犁然當其意及失志歸湘得予所寄詩云云乃潸然淚下爲之悲歌數十遍不休謂其子曰西涯所造一至此乎恨不得尊酒重論文耳蓋自是不閱歲而卒傷哉

師召有盲馬售錢六百諗之以詩

六百青蚨十里才忍將筋骨付塵埃  
驚魂已脫池邊險往事

無勞塞上猜

師召已連失二馬

斗酒杜陵堪再醉千金郭隗幸重來

知公自是忘機者一笑能令萬事該

餘冬敘錄成化間陳翰林師召所乘盲馬售錢六百西涯先生以詩諗之有斗酒杜陵堪再醉之句蓋用子美三百青銅語也時李刑部若虛舊屋爲積潦所壞數年不售竟得銀四兩涯翁亦諗之以詩云詞林馬價知多少卽前師召事也前輩居處乘騎如此凡口體之奉可知

海子

西涯雜詠

海子西入城中與龍池連高樓沙口望正見打魚船

西山

磐石傍幽谿羣峯坐回首靜愛白雲來蒼苔濕衣久

響間

春濤夜忽至泊泊溪流滿津吏沙上來坐看青草短

慈恩寺

水繞池邊樹花垂石上藤長來寺前坐不識寺前僧

飲馬池

立馬春池上沙水清可憐溪翁熟予馬汲罷不須錢

楊柳灣

沙崩樹根出細路縈如棧垂柳隔疏簾人家住西岸

鐘鼓樓

月黑行人斷高樓鐘漏稀城中聞夜警邏吏不曾歸

桔槔亭

野樹桔槔懸孤亭夕照邊閒行看流水隨意滿平田

稻田

水田雜花晚畦雨過溪足老僧不坐禪秋風看禾熟

蓮池

秋風吹菱荷西塘涼意早獨負尋芳期苦被詩人惱

菜園

西園芳意濕不聞春雨聲野人閉門睡園中青菜生

廣福觀

飛樓凌倒景下照清徹底時有步虛聲隨風渡湖水

沅湘耆舊集梧門祭酒法式善西涯考略云納蘭容若涿水亭雜識云李長沙賜第在西長安門西俗呼李閣老衙衛是也其別業在北安門北集中西涯十二詠程篁墩學士和之有桔槔亭楊柳灣稻田菜園蓮池而響牖鍾鼓樓慈恩寺廣福觀皆在十二詠中今其遺址不可問當在越橋相近蓋響牖卽越橋下牖而鐘鼓樓則園中可遙望爾湯西涯懷清堂集題李文正慈恩寺詩序云喬莊簡跋文衡山西涯圖云



寺之後曰西涯考公懷麓堂集有西涯十二首第四  
篇卽慈恩寺其他如楊柳灣鐘鼓樓四詩中亦互見  
則慈恩寺在西涯東西涯之名所由來久公因以自  
號今亦不能復識其處公詩首篇云幾入城市此曾  
遊又云城中尚有山林在集中重經西涯云城中風  
景夢中路又云禁城陰裏御河西慈恩寺偶成云城  
中第一佳山水則西涯之在城中無疑淥水亭雜識  
所云西涯有李長沙別業考其地在今德勝門西予  
近年數得經此見風漪彌望直接德勝橋而東有法  
華菴在其上意其爲當時之西涯所云積水潭海子  
亦此地但相去二百餘年不特琳宮佛屋劫灰無存  
而園中所有喬木蒼巖長橋斷岸亦不復能仿佛矣  
莊簡又云西涯公嶽降地公詩有淚痕厠共水俱流  
句又云撫今念舊爲此愴然集中如禪後述哀云應  
謝西涯舊時柳泣風愁雨共依依又重經西涯云淚  
滿密縫衣上纔又云愛日慚非稚子歡又云痛哭兒  
童釣遊地白頭重到爲何人則莊簡所云嶽降地者  
信有徵矣至淨水亭雜識所云公有別業在北安門  
外或是舊業非別業也公罷相後客至不能具魚菜  
豈能更爲平泉木石計余綜諸說與地北印證蓋廣  
福觀之南響牖之西越橋爲文正所生之地後貴顯  
廢文正故第當在是煤廠爲文正所生之地後貴顯

始有陽第所云李閭老術術者殆卽其地耶帝京景  
物畧云李文正公祠近在皇城迤西孝宗賜第也綠  
水亭雜識似足爲據至於西涯則今之積水潭無疑  
潭卽水關在諸河極西林木叢蔚水石清幽其先爲  
法華庵今建滙通祠乾隆二十六年御題也桔槔  
亭稻田楊柳灣沿河遇宿於澄清閣余居距其地址  
剝海分流匯注而下歸宿於澄清閣余居距其地址  
不數十武門外卽楊柳灣云云其考西涯根據甚詳  
近賀學博攸與詩鈔引懷麓堂集誥命碑陰記證西  
涯爲公誕降地而云與墓墩倡和西涯十二詠不盡  
在別業中蓋不知別業卽舊業也又云西涯十二詠  
程墩墓和之彭民望亦和之彭詩今佚一首乃桔槔  
亭懷麓堂詩話中所云春風滿畦水不見野人勞疑  
卽此作也但懷麓堂集十二詠有廣福觀無明月橋  
老葵集則有明月橋無廣福觀意者廣福觀一作亦  
已散佚後人雜取明月橋詩以益之而不知其非也  
然不可考矣其說近是然明月橋亦距西涯近或偶  
爾參互當日未定之作云爾

願清

二十七首

清字士廉松江華亭人弘治癸丑進士選庶吉士授

編修進侍讀以忤劉瑾降編修改南兵部員外瑾誅  
復故官擢侍讀學士歷少詹事進禮部侍郎罷歸起  
南禮部侍郎引疾進本部尙書致仕卒謚文僖有東  
江家藏集四十二卷

四庫總目顧清東江家藏集皆晚年所自編故體例精  
審其詩清新婉麗天趣盎然文簡鍊醕雅自媚法律  
當時何李崛起與文體將變清所著波瀾氣焰雖未能  
極似奇偉麗之類要不謂之正聲不可也在茶陵一  
派中亦挺然翹楚矣  
列朝詩集文僖詩清新婉麗深得長沙衣鉢正嘉之  
際獨存正始之音今人以其不爲何李輩所推不復  
過而問焉斯所謂耳食者也  
靜志居詩話東江詩法西涯觀其險巖再四疊用足  
見能事當日諸公受長沙衣鉢或推方石或稱二泉  
或首熊峯以剛見衡之要皆不敵也  
田按東江雖法西涯實導源東坡古歌噴薄鬱盤可  
與馳騁抗席奔洲輩評詩於附和何李者自卽以下  
亦刺刺不休而東江曾不齒及宜來牧齋之指摘也

安山待牖憩大柳下見蜣螂轉丸及窟穴殪藏之狀甚

悉村童語其故詞甚鄙而近於人事戲以韻語紀之

蜣螂搏土丸其智竟莫測中包實糞穢外裹疑橡栗後推前  
復挽圓轉何捷疾端如趁嚴程又似銜巧術趨窪真一瀉過  
隘亦屢兀中途遇强暴奮鬪幾撐突歸來不少暇坎土啟藏  
室旣以首爲舂復以股爲楫爬沙兼負戴下上幾顛越室成  
擁丸下劣隘四無隙周旋巧斡運每動輒有入須臾丸盡隱  
謂爾功已畢潛身復旁搜坯壤時颯颯村童惡劇戲寸筵時  
一搯室開丸反流驚救走連蹶雙趨共撫抱有類拱珠礫前  
功已盡棄餘念猶未歇想其推挽去行復事鑽穴物生均有  
智小大理難一蠶絲利萬世螯網爲口實蜂房及蟻塚致用

等軒闔爾丸獨何爲久念理未徹村童前致詞此寶神所詠  
轉丸輪鬼藏功滿蜨凡骨飛騰作風蟬清響噉雲月營營苟  
爲此蜨計誠已劣丸也神所須得無穢明烈物性爾豈知神  
姦我能別紛紛詎爲信瑣瑣焉足說聊戲答村童鼓響官船  
發

臘月廿三日飲德卿宅用涯翁齋居聯句韻

良游集南園秉燭向深夜盟尋舊雨餘坐想重茵藉牆陰有  
殘雪鄰酒方索價西瞻太行峯皓白欺二華茲惟藏春塢豈  
伊淩風榭洪爐赫彤霞餘香裊檀麝牕明疑若空簷短不留  
罍吟苦愁後成棋勑闔先下翻思前夕裏高宴久已罷遠鐘  
送深更疲僕催早駕顧茲蚓竅鳴試我蠅頭爲得雋豪屢揮

沈思首頻亞忽看山月高顧影獨驚詫情兼賓主忘氣已芝  
蘭化諸公信自賢此夕頗堪訝招要入拘牽窘迫自閒暇詞  
非石鼎工酒罄金鼎瀉明朝逐餘歡此榻甯許借

望露筋廟作

荒陂下殘月疎木出古祠伊昔露筋媛冥靈此棲遲渺然葭  
葦鄉挺此冰玉姿仙骨諒已蛻英風浩無涯想當野宿日甯  
與廟食期顏垣不踰肩缺瓦苔參差不知春秋祀有土能不  
遺堂堂七尺軀冠帶利男兒婉婉形勢途所覲在一資使當  
生死際甯復顧四維念此欲下拜風檣浩南馳滄波望不盡  
目極空煙霏

齒落用前韻

癡人老猶童覽鏡思妍媚摘白整冠巾謂老真可諱不知齒  
牙脫還復可留滯憶昨爾初生玉白鉛鋒利相從能幾何竟  
作鉛刀廢得非本根撥無乃言語累初危冀猶安凜凜憂爾  
墜及茲兩決絕忽若還重寄投非東窗梭去作下坂驥從茲  
慎語笑至理得深契

東園餞別太守酒酣劇論至於得失寵辱之際聽之灑  
然是夕被酒齒痛不寐輒用蘇長公過清虛堂韻歌  
以揚之卒章頌言爲將來世講之章本也

人間萬事真渥沙黃堂昨日猶早衙春風留人苦無言及天  
撲路飛楊花楊花飄揚泊何處碧山夢繞先生家邯鄲已爲  
魯酒誤憂喜更足憑晨鴉東園雨餘綠滿樹猶有青子粘殘

葩撫時惜別萬感集飄蕭短髮手屢爬衆賓微酣我輕汗論  
功莫計酒與茶花奴羯鼓不解事落日猛向紅闌擲盛時會  
須有代謝末俗正爾堪吁嗟歸州安穩足春夢夢抱玉燕吞  
流霞

四月十二日定菴先生過訪誦東坡清虛堂詩用韻奉

謝

夜窗急雨鳴撒沙晨鼓不辨州官衙村童晏眠蓬戶閉榆莢  
一徑交殘花經年不及長者室泥水眞作田農家高軒何日  
忽戾止豁若暝霧騰金鴉清容穆穆峙霜柏妙語郁郁飛天  
葩塵埃塞胸不自理次第一一煩梳爬盤餐非惡愧草草幸  
有杞枌供春茶此時天公亦助喜列缺捲燄雷停過騷壇夙



昔願奔走世事入九堪咨嗟酒闌公去倚江閣遙見一鶴冲  
高霞

陪定菴過北野再用前韻

河洲殘水籠銀沙高柳隔岸排晨衙濕雲晴旭互吞吐時復  
映空飛雨花人間歲月總能幾年不到先生家諸孫迎拜  
肅有禮別時稚語猶軋鴉不知甘露何日降親見紫芝圓玉  
葩山林朝市各有適如痛須抑癢須爬羊羹黿炙豈不美陸  
羽獨好山中茶惜哉禰衡傲一世營門乃作漁陽搥先生歸  
來萬事足耳目所及堪吁嗟尊前有酒便一笑不用導引吞  
朝霞

時北野先太史薨薨芝甘露降庭

爲潘克承題林良蘆雁

林良花鳥今代奇水墨到處皆天機長繡開幅信手揮妙處  
不屬丹青爲江頭雨深菱苳肥枯槎折葦紛離披駕鵝羽冷  
畏遠飛雄雌兩兩相偎依靈荇翠羽不自危鴈鵲語啼立  
衣依棲俯仰各有姿仁見幾欲呼鴈師乃知此老筆不疲市  
朝山林時見之雞林相君知白詩君家此本吾無疑北風漸  
高禾黍稀雲飛日見江南歸吳江洞庭三泖涯天空水遠無  
拘羈焉得扁舟從爾嬉

十二月十八日大雪登樓作寄進之天錫時諸君方修  
府志

酸風割耳鬢作虬聞雪強起開西樓西樓一望幾十里玉田  
瑤圃爛不收兩年秔稻化魚髓窮計每日占來牟眼前富貴

已如此何苦更作明年愁書生耐冷自常事北窗清坐端誰  
留神游不到繁家帳意行屐上山陰舟淮南山海誕莫考吳  
中溝澮須精求映雪著書堪一笑卻似五月披羊裘

進之天錫舜弼有和章再用韻

凍指握筆如拳虬猶有雪詩來北樓北樓幾日不一到寒陣  
未許陽烏收瑤琨鷺羽孰堅脆往往精辯聞龍牟長安書生  
四十韻遠喜不救溝中愁頽陰禁體亦何事雕刻但有空言  
留憑高極目意頗豁滉漾如駕虛空丹珠宮玉宇隔人世一  
煖誰爲蒼生謀洛陽盡覆吾亦願尙恐目前無此裘

敬亭見和山行有李杜齊能之句雖主押韻而亦非所  
當也因歌奉答并寫近懷仍用三江送行韻

梧櫨不雜中林蒸詩人以來稱杜陵公才本高心獨下退與  
元白圖中興山行一篇如見我捫蘿踏雪幾凜兢時從雅淡  
出奇麗少年斂手不得矜三陽改歲萬物泰和氣上與游雲  
凝清河沙河柳色動近山已有游人登南飛六驥想回首足  
底不見陰山冰甘泉荷橐事已遠洛橋軻車材弗勝破除寂  
寞賴公等往往郵筒侵夜燈朝來雪篇更雄富無復珠貝論  
升朋五湖煙艇未許上灞橋驢子還堪乘已聞羔韭畢春祀  
忙見柴燎中天升平安夜火報不絕似有車騎來增增蘭臺  
執簡公未老長楊奏賦吾猶能掃妖滅怪只一筆取青螭白  
應千層眼前卻有兩物惱山中狡兔剡溪藤

春雪敬亭用前韻再答

西山落日雲蒸蒸漫衍澗谷彌岡陵曉窗夢破聞埽雪失喜  
一笑披衣興天街大有隔歲伴羸馬前日猶凌兢常言三白  
兆豐稔民病亟矣天須矜從風初學柳絮舞綴樹旋作梅花  
凝素娥晨朝紛下女玉龍夜戰迷先登瓦爐煙燄坐不煖起  
視膽瓶膠作冰前年冬溫人苦疾往歲雨多苗弗勝新春得  
此喜可說光景十倍豁山燈忘懷一任鴻寄迹耐久正愛霜  
爲朋淮西剡曲總佳語萬騎孰與扁舟乘愁來呼酒徑一醉  
斟酌不計斗與升長安薪炭已如玉又報米價江南增閉門  
高卧吾豈敢手挽溝壑曉無能登樓望山一舒嘯銀屏玉案  
高峻層何當致我此中去看煮雪茗燒枯藤

吳興公子人中英文學之外百藝精龍紋鳥迹窮變態落筆  
萬類無潛形畫家難工在狗馬卽物計數皆天成平生所見  
凡幾本如形在鑑影在燈君家此幅得何處真迹似是來吳  
興前行三匹駿且猶急鞭恐作蛟龍騰一匹顧類未肯行一  
匹欲卧垂青纓中間一匹骨如堵四蹏猶帶交河冰紫衫奚  
官髮髯髻胡靴短勒帶紅鞵當年內廐事毛仲幾隨仙仗過  
華清興亡百變物盡化惟有遺迹留丹青摩挲絹素三歎息  
毛氂似覺雄風生君不見千金尙買死後骨此馬此人君莫  
輕

渡江

昨日渡長淮今日渡長江長江更比長淮闊凌空自有飛鳬

雙雙鳬飛風不起天青青江瀰瀰眼中不復見塵沙只有青山如畫裏青山如畫畫不如十年歸夢繞吾廬山中猿鶴休驚咤從今日日青山下

首夏卽事

金獸香殘畫漏稀嫩槐庭院午風微蜜房分子蜂初靜書閣垂簾燕自飛小碾試茶催爚鼎輕刀裁葛已成衣故園遙憶三江外梅豆青青筍過扉

松江志餘東江初入史局賦首夏詩緝句云故園遙憶三江外梅豆青青筍過扉卽開諸公歡賞之謂他日必非嗜進者

出郭

出郭頻瞻尺五天雨餘雲物更清妍樓高紫鳳中天見山蹤

青龍到海旋香徑細尋芳草入酒帘低傍綠楊懸微官自笑  
成何事閒過東風又一年

以燈圓餉陸太僕

三五新正憶故園屑雲糜玉闌春盤小奴解作江南意遠客  
都忘歲首寒梅欲闌圓忙著子雪如爭巧故成團玉厓太僕  
眞清吏莫認明珠按劍看

九日世興席上有感用齊山韻

城闕秋風木葉飛西山落日翠烟微園亭到處花自好鴻雁  
來時客未歸短髮有情憐破帽長繩無計繫斜暉尋常遍插  
茱萸地目斷江雲空濕衣

元夕米齋席上次趙類菴韻



合有新詩記此朝，好天良會故人招。  
千門華月春殊益，三日東風凍已消。  
銀盞酒香分錦荔，綵屏燈影亂虹橋。  
只應不及雙龍輦，飛上鰲山聽鳳簫。

時駕在宣府

有懷味苓賦詩未就，閏八月二十三夜夢與誦之，有所更定而不甚明了，寤而足成。

西亭橋下路逶迤，中有幽人雙鬢絲。  
長年讀易懶出戶，逢人把酒亦吟詩。  
山田十畝自云足，車蓋滿城渾不知。  
何當便了閒居賦，爲說推敲夢裏時。

### 游南莊

春江晴日漾龍鱗，笑上蘭舟不問津。  
雲裏遙山指秦望，水邊墟落想春申。  
百年願我青鞵在，雙鬢從他白髮新。  
歸路月明

喧鼓吹鸞鴛撲漉起青蘋

薛民望號九山持卷乞詩

西北三江帶五湖九山清勝結吾廬  
風煙陸瑁家相近水石王蒙畫不如  
長日林光闥几席有時空翠落衣裾  
鶴書未問他年事門外時來長者車

崔世興宅奉次涯翁韻

酒敵棋朋四座分不知何處是東君  
屏間拂石疑生雨畫裏看花半作雲  
王若水畫梨花甚妙白雪詞章隨筆散  
涯翁席上作草書紅塵車馬隔牆紛  
平生六一堂前士到處春風挹令芬

諸廣文餞予龍潭僧舍別後有懷味茶

聽鶴亭前欲上潮龍潭落木晚蕭蕭  
愁來別酒難成醉老去

詩翁不可招地下騷壇自旗鼓人間博局幾盧梟翠蘿金盃  
當時句殘月空梁獨自謠

宮體

瑪瑙階邊蛺蝶花玉闌低轉畫廊斜大家近日親經史不向  
宮門候小車

出郊

小隊黃衫簇綠燈春來幾度出郊行桃花結子楊花盡只有  
靡蕪滿路生

九日鶴塘莊過黃耳祠次高進之韻

五畝圍池六尺垣清溪一曲正當門鶴雛牛犢皆詩料賸有  
美談留子孫

松風餘韻高進之名企別號西樓上海縣學生莊頭  
幾日無人到黃憤生兒鶴長孫進之佳句也有詩名  
而詩不一見  
附錄於此

明詩紀事

貴陽陳田輯

丙籤

楊一清 二十一首

一清字應甯雲南安甯州人成化壬辰進士授中書  
舍人出爲山西提學僉事遷陝西副使召爲太常少  
卿進南太常卿拜左副都御史督理陝西馬政進巡  
撫總制三邊擢右都御史引疾歸以忤劉瑾逮繫獄  
尋解致仕起總制軍務召拜戶部尙書加太子少保  
太子太保少傅太子太傅兼武英殿大學士入參機  
務再致仕起兵部尙書左都御史仍總制陝西三邊

召還改吏部尙書加少師太子太師兼謹身殿大學士進華蓋殿大學士請老歸落職閒住卒後復故官贈太保謚文襄有石淙類稿四十五卷詩十九卷

藝苑卮言楊文襄如老弋陽伎發喉甚便而多鼻音不復見調

詩藪國朝詩流顯達無若孝廟以還李文正公陽楊文襄一清石文隱珣謝文肅鐸吳文定寬程學士敏政凡所製作務爲和平暢達演繹有餘覃研不足野獲編楊文襄在正德末年以次揆少傅居丹陽適武宗南巡以征甯庶人爲名幸其第留車駕前後凡三至焉上賦絕句十二首賜之楊以絕句賀上聖武數亦如之又有一應制律詩諸篇刻爲二編名車駕幸第錄吳中王文恪爲詩四章侈其事其最後一詩云漫衍魚龍看未了黎園新部出西廂想其時文襄上南山之觴以崔張傳奇命伶人侑玉食王詩蓋紀其實也楊是時荷殊眷徒以邀致六飛爲榮而不能力勸旋軫僅以冊府元龜等書爲獻似垂青弼之誼然能止蘇浙之行則功亦足稱

靜志居詩話選載古詩原本粹蘇近體一以陳簡齋

陸放翁爲師李獻吉送徐昌穀詩吾師崛起楊與李  
力挽元化迴千鈞初意楊非李敵不過爲師同耳及  
觀石淙集實有高出李者乃知文士以千秋自命類  
不輕許人也  
田按文襄石淙全集利鈍雜陳其傑出之篇實可與  
茶陵旗鼓相當

和楊鏡川學士先生遊南園詩韻

居官僅旋馬致客真無謀諸公不我棄枉駕同郊遊韓家好  
庭宇石徑通林邱輕風散炎溽白露淒以秋泉脈瀧畦潤槐  
陰當屋稠地僻境逾靜身閒心更幽舉芳步南渚觀稼來東  
疇詞林有鉅筆古調難爲酬豈徒慰孤陋亦足消煩憂顰眉  
擬相效出吻還自籌惟餘江山興歲歲無窮休

甯惟臣話舊有作

京華抗師席英俊紛追隨於時雲路中後先爭奮飛文章華

館閣論諫光瑱闡聯班布臺省各各能自持荏苒三十年大  
半金與緋建立有大小一節無瑕疵得喪不皆齊貴此名譽  
垂君居諸子中灑然絕塵姿敬皇樂從諫封事多匡時曾毀  
延齡麻不受若訥嗤東藩具瞻地早被朝堂推霜蹠忽以蹶  
三年滯齏司舊物始光復新聞隨颺馳我豈河汾傳敢稱房  
魏師姓名幸有託聊以慰衰遲一燈話曠昔離緒千縷絲眷  
言平生交對酒安可辭出門冰雪厲萬物斂華滋灰葭動律  
管陽回無愆期晚節益自珍持滿須惕而皜皜白苾裝勿使  
緇塵緇詩成寄同志庶以存箴規

修武寄陸克深大參約河內一會

玉堂少日瞻風神一麾南去春復春已知氣概抗流俗何止



文章能潤身當時沮遏者誰子鳳池亟奪良有因明廷未乏  
班馬輩揣分甘與簿書親敘州九載多勞勩間禮讓風俗  
循黃堂坐嘯若無事盤錯到手紛如塵功成進佐七州伯褰  
帷處處宣皇仁行河決獄總經義以儒飾吏斯言真任渠喜  
事笑迂腐忍貪勞伐聽吟呻西州過客問民吏共道我侯爲  
吏循因君重感蒼生念四野觸目雙眉顰直從徐揚向懷衛  
白屋蕭條生意屯黃河流徙固天數勝天有術須吾人雖云  
盛平異卵累亦可先幾憂厝薪公才自是濟時具恨不再制  
當通津杞天漆室木迂誕愚者一得公休嘆相違百里阻歡  
合策馬欲進仍逡巡北風吹沙天宇暗後庭殘葉聲相聞乃  
知良會不易得聊以尺素通殷勤交神命駕如有意或者河

丙逢寇恂

和蘇長公琰星堂禁體韻

風國一掬枯桐葉瓦爐活火初烹雪是時冥宰設奇觀物態  
人情兩幽絕懸崖老樹偃不死生意往往存摧折江山一色  
天冥冥鳥影不度人蹤滅孤舟把釣吾所愛有肘真被微官  
掣急呼紅燭照金杯不覺醉顏生綺襖歐蘇白戰有嚴禁餘  
子效顰徒瑣屑今我不樂真成癡半百光陰過如瞥嗚呼世  
人多附熱此興蕭蕭向誰說君看桃李門春妍設道廣平心  
似鐵

富春道中

遠嶼迷新漲回汀帶急流野花疑送客江月巧窺舟獨坐成

遐想逢人話舊遊  
煙霞何處所  
吾亦愛尋幽

東河驛

秦嶺暮衝雪  
東河朝履冰  
羸軀一偃僕  
病眼雙瞢騰  
凍鳥住不住  
亂山層復層  
夜寒愁擁被  
無語對孤燈

偶述

垂髫謁紫宸  
四十一回春  
年如下坂路  
身是未歸人  
故國青山舊  
窮邊白髮新  
世情自翻覆  
吾獨任吾真

瀛海道中雜作二首

潦倒思鄉客  
遲迴溯浪舟  
樹連雲外寺  
城帶海邊樓  
病濕偏愁雨  
年衰不奈秋  
偶然談世事  
猶動廟堂憂

天空秋有籟  
海近夜通潮  
獨樹如相待  
羣鷗不受招  
貧餘詩

卷之二  
在愁仗酒兵銷何用談生計故山隨老樵

宿子午鋪

蹴磴穿蘿路轉遙夜寒燈火正蕭蕭官程仍出子午谷鄉夢  
遠懷丁卯橋秦嶺天低星斗近漢江春煖瘴嵐消馳驅敢作  
賢勞嘆愧乏涓埃答聖朝

江上偶吟

浪花搖曳急流分徙倚船窗日又曛萬里江山低度鳥一林  
春樹半含雲帆歸驛路看看近岸有漁歌歷歷聞莫向朱絃  
揮楚調別情鄉思轉紛紛

迎建儲詔

八葉重熙戴寵靈萬方和氣擁明廷虹光下繞坤宮赤春色

潛浮震殿青江漢有潮歸少海華夷隨地仰前星遙知問寢  
龍樓日帝籤分明列御屏

謁睢陽協忠廟

一旅閒關百戰中漁陽鼙鼓避英風城危竟失江淮蔽義正  
終收郭李功滅賊死甘爲厲鬼擁兵身恨失奸雄年年明水  
祠宮在不愧前朝表協忠

送王司徒提督貴州軍務

萬里車書燹道通夜郎何事阻華風我公舊有綏懷略此去  
休論戰伐功八部蠻煙行處盡盤江春瘴洗來空都勻白骨  
憑誰念風雨啾啾恨未窮

一笑

落落長風捲岸沙  
倦餘行子合歸家  
訛言正愁市上虎  
酒影一笑杯中蛇  
曳杖閒行隨野鹿  
看兒默坐數棲鴉  
向來寵辱休重問  
只此優游度歲華

謁咸陽王廟

廟在雲南元平章賽典赤治滇有大功

香火高城廟貌崇  
邦人相對泣遺忠  
漢廷才望金車騎  
唐代勳庸渾侍中  
地盡關山開禹迹  
人於絃誦識華風  
車書又屬文明運  
猶有新碑紀舊功

秋興

倚棹江天百感生  
倦扶筇杖且閒行  
蕭蕭紅葉夕陽下  
冉冉白鷗秋水明  
飲量暗隨詩力減  
路歧真向老懷平  
蒼蠅不省寒將至  
何處飛來漫作聲

巡邊偶作

一出頻看隴月圓朔雲回首隔晴川  
鄉心已落征鴻後行色還當小雪前  
二十年來三建節六千里外五籌邊  
亦知保障爲長策全陝蒼生望息肩

渡江 三首

黃塵脫屣一身輕十載無功恥聖明  
獨立江風吹短髮渚雲汀草各關情

江頭如聽可人招鼓枻放歌歌  
沉寥秋色滿船月皎皎水聲入樹風蕭蕭

玉關人老貂裘敝白雪歌寒鐵硯存  
已辦輕車隨款段尋幽日日水西村

明詩紀事

貴陽陳田輯

丙籤

吳寬三十一首

寬字原博長洲人成化壬辰第一人及第授修撰歷  
諭德庶子少詹兼侍讀學士擢吏部侍郎掌詹事府  
入東閣專典誥敕進禮部尚書贈太子太保謚文定

有匏翁家藏集七十七卷

四庫總目吳寬學有根柢爲當時館閣鉅手平生學宗  
蘇氏字法亦酷肖東坡縑素流傳賞鑒家至今藏弁  
詩文亦和平恬雅有鳴鶴佩玉之風以之羽翼茶陵  
實如駟之有斬

麓堂詩話吳文定原博未第時已有能詩名壬辰春  
子省墓湖南時未始識也蕭海釣爲致一詩曰京華



旅食幾風霜天上空瞻白玉堂短刺未曾通姓字大  
篇時復見文章神遊汗漫瀛洲遠春夢依稀玉樹長  
忽報先生有行色詩成獨立到斜陽子陸辭日見考  
官彭數五為誦此詩戲謂之曰場屋中有此人不可  
不收數五問其名曰子亦聞之矣已而果得原博為  
第一亦奇事也原博之詩釀郁深厚自成一家與亭  
父鼎儀皆脫去吳中習尚天下重之  
震澤集文定為文不事追琢獨嚴體裁為詩沈著高  
壯一洗近世尖新之習作書姿潤中時出奇側雖規  
模於蘇而多所自得  
容春堂集匏翁詩如漢循吏所至無赫赫聲而去思  
不已世或模擬之鮮能似也  
藝苑卮言吳匏菴如學究出身人雖復閒雅不脫酸  
習  
朱承爵存餘堂詩話吳文定詩格尚渾厚琢句沈著  
用事果切無漫然嘲風弄月之語雪後入朝詩云天  
門晴雪映朝冠步瀝頻扶白玉闌為語後人須把滑  
正憂高處不勝寒餓鳥隔竹餐應盡馴象當庭臨又  
殘莫向都人誇瑞兆近郊或恐有袁安愛君憂國感  
時念物之情藹然可掬  
筆精東坡遊赤壁時有綿竹道士楊世昌同遊赤壁  
賦云客有吹洞簫者卽世昌也吳匏菴詩云西飛孤

鶴記何詳有客吹簫楊世昌當日賦成誰與注數行  
石刻舊曾藏此一證也  
田按魏翁詩體擅臺閣之華氣含川澤之秀冲情逸  
致雅製清裁是時西涯而外當手屈一指

### 入立墓寺

高登鄧尉山遙入立墓寺老僧具衣履出門迂子至落落長  
松間一徑獨深遂鞢鞢鐘鼓聲鳥雀少驚異仰面睇山腰殿  
宇危若墜長廊埤清風修竹自爲簷結夏四五人趺坐更無  
事樹密山果懸草深井泉祕盤旋登小樓洞庭正相值洋洋  
太湖波兀兀林屋翠始知眾山中此寺真畫筍聞昔萬峯老  
卓錫據茲地道行既孤絕遺言有高致化去動吳人金帛爭  
布施歲久骨當朽遺容未全敝禪室晝寂寥雲水乏供饋惟  
餘佳山水不改太古意磨厓紀勝遊吾當一題字

爲王希曾題放南長蕩圖

吳綾八尺餘，遠勝好東絹。坐移長蕩來，歎向眼中見。按圖想  
舊遊，巒嶺開生面。陽山踞獨尊，虎阜奔而殿。柔櫓一搖搖，船  
頭翠痕轉。春水澹若空，白雲故多變。佳哉吳中景，獨許沈郎  
擅。典客方壯年，孰云宦途倦。吾志每圖南，欲趁秋風便。幽深  
付一筇，此樂人無羨。

題海虞錢氏所藏王均章虞山圖

扁舟昆湖去，憶向虞山還。當時迫日暮，未得窮躋攀。至今三  
短章寂寥，不重刪。安知六載後，依然見茲山。諒無愚公愚，賴  
有頑仙頑。頑仙隱居處，深林置柴關。丹竈火常伏，藥闌苗載  
芟。高情付繖素丹，青色斑斑。茲山卧平野，隱然不成環。逶迤

亦甚遠攢蹙何其怪只尺見百里羣峯互垂疊飛鳥歸易沒  
浮雲出偏閒拂水最奇麗空廢故漩澗天風或稍定石壁仍  
潺潺仙宮對佛寺妙境非人寰獨憐仲雍墓誰爲瑯嶧營短  
棹載書卷浩歌水雲間彷彿歸菴翁往來寶嚴灣竊祿本無  
補乞身亦多艱卧遊畢舊願坐笑開塵顏

爲楊應宿僉憲題畫

勝地著孤亭翼然臨絕岸杖屨復溪頭斯人來獨慣青松栽  
已高白石煮應爛詩思逐浮雲峰回忽中斷

爲盛舜臣題山水長卷

城西蕩雙槩遙背伍胥門人家枕河住漸喜歷鄉村豁然見  
平田農夫荷鋤去好風低嫩苗微雨灑高樹葦間多放艇柳

下或扳臂鋪布菱荷蕩沙明鷗鷺汀魚梁接牛宮沽酒新郭  
市迤邐到橫塘虹橋垂四趾亂山似避路旋轉自長溪水入  
太湖北雲生光福西叩舷唱吳歌有客中流過千載懷古心  
悠然欲相和香徑旣云沒琴壑亦成空山頭明月上仍照館  
娃宮登高信徒勞望遠發深喟開展圖畫看舊遊一何類

陸天遊畫

翛然掩陋室幸此絕塵鞅偶開水墨圖頗慰山林想危岑瞰  
深碧湖水平如掌喬木四五株秋氣始蕭爽不逢弄舟人似  
聽伐木響二老足高致多暇自來往落照變巖姿臨流更欣  
賞

秋雪歎

吾生本江南不慣見秋雪見之自北都都人亦不說初偕雨  
兼零忽逐風急刮漸看瓦溝平似畏石城滑陡然作寒威貧  
家勢難活米炭幾時儲齏鹽何處幹以至褻曲身況也無衣  
褐病體強自支憂世亦頗切茲事已兩見浹旬未遑濶月令  
不深考政事何所缺惟天量有容陽氣終奮發赤日中天行  
窮檐遍昭晰涼颼只淒然勿遽變凜冽霏霏嘉瑞成卻待嘉  
平節

題畫

誰持畫障索我歌見畫如向江南過扁舟坐我順流去兩岸  
不斷山嵯峨山中老樹青婆娑雲深難辨枝與柯渺然一片  
漾微白千頃平湖生遠波想當若人作此畫墨汁如雨流滂

沈夕陽落盡板橋上何彼行客偏么厖我生固有山水癖猶  
道圖畫傳來譌昨朝騎馬出城去看山直到燕山阿千巖萬  
壑青不了較之江南山更多長溪淺渚舟如梭亦著漁翁披  
綠蓑青鞋布襪不會辦馬背未必愁坡垞若非塵鞅縛人住  
山水佳處須行窩題詩自笑徒吟哦佳哉此圖如我何煙江  
疊障寫長句我亦年年嫌老坡

趙松雪長江疊障圖

李貞伯藏

長江滔滔向東瀉憶昔扁舟順流下慈悲閣前浪花白兩岸  
青山似奔馬蒹葭楊柳風颭颭江行六月疑深秋歸來已是  
十年事看畫偶然思舊遊江流樹色非那是仍見山腰隱高  
寺赤旂滄洲杳靄間只尺悠然起愁思蒼溪影落鷗波亭王

孫弄筆何時停北來戎馬暗江潯千古遺恨歸東溟

謝孔昭臨黃大癡畫

大癡道人避世士移家舊隱虞山裏早年能畫老入神落筆  
虞山宛相似深林依稀村塢重水口近與昆湖通高岡硤硤  
勢欲墮此老前身黃石公百年以後誰其亞昔者吳門稱老  
謝案頭臨畫似臨書咄咄逼人真可詫風流前輩杳難攀  
語空傳謝疊山窗中遠岫依然在天際春雲仍自還

孔昭善  
畫山自

稱謝  
疊山

李世賢持啟南雪嶺圖索題次韻

小徑升堂新築沙退朝無事還私衙誰移雪嶺入我屋老眼  
白日疑昏花坐遊未覺足力倦倏過野寺仍山家淺溪舟膠



集棟鳴空谷展響翔飢鴉狂風入林一攪動零落玉蕊兼珠  
葩此時誰埽林下白急欲往煮僧房茶忽然仰面見高寺扣  
戶還須持馬撾長安十年走薄宦對此似將塵土爬西湖尋  
僧天欲雪蘇子故事今人嗟清虛舊韻更可借捧硯獨無王  
子霞

題趙子固畫蘭

王孫弄筆成墨數九畹依然連百畝開圖墨滿將誤拾撲袖  
香風不勞斂破緜零落三百年非藉好事安能傳寸根無土  
強生活鄭老後來真可憐

爲屠大理題石田畫

生綃丈許畫耆誰石田老人今畫師年來都下家家有此幅

吾知出親手筆意縱橫信所之夾岸脩然已疏柳溪陰欲渡  
無舟楫萬杙成橋遠相接何處詩人跨瘦驢破帽故風粘落  
葉兩山對峙開高關豁舒梵宇容千間半空丹艧勢突兀雪  
竇天台眞等閒老人昔共遊虞山此景彷彿曾躋攀昆湖蕩  
漾臨几席水繞漁莊凡幾灣京華十年走塵土看畫分明能  
破顏山林在望鳥飛倦春到江南吾欲還

郭熙雪浦待渡圖

宋人能畫非等閒郭熙絕藝如荆關御府收藏三十軸玉堂  
猶自遺春山橫圖若此纔數尺春山相逢應厚顏北風怒號  
振平野巖石吹墮林河灣望中慘慘皆雪意飛鳥未倦爭飛  
還何人翦水作六出山上陡失千青鬢渺然上下同一白但

見空林楓葉殷流泉不流頃作滴豈似雨過聽潺湲  
撥入洞失連臂文豹藏窟無一斑須臾坑谷盡填滿  
萬頃蕩漾仍澄瀾野航載客遙在望舉手招呼急欲  
扳冰花粘棹行尤澁雲低落日懸孤環往來浦口屢  
涉險未識舟人心苦艱擁裘馬上莫相笑山南捷徑  
非人寰

東坡樂水圖

右手按膝左手戟長帽不着毫氣溢此翁豈是尋  
常人眉山秀出文章伯擘開青峽噴玉泉石罅百  
折猶轟然山中自當一部樂何用嘈嘈鳴管絃  
惠州飽飯渾無事羅浮之西山峴起白水留題屬  
此公萬里來遊天所使黃衣脩然戴小冠水樂同  
爲杜牧看圖中不是程正輔方外當爲鄧守安

題楊鐵崖墓銘後

泰定年間名進士會稽山下老徵君  
金陵不看三秋月立圃  
長嘯五色雲對客呼兒將鐵笛  
從人笑我醉紅裙風流盡付  
吳淞水還繞劉伶四尺墳

過橫塘

夏半橫塘風日多  
畫船載酒壓晴波  
高田得雨皆秔稻  
長蕩翻雲足芰荷  
未必他年成故事  
也須隨處結行窩  
悠悠十里城西路  
此是登山第一歌

舟經荻葑阻風留宿王抑夫田舍

歲暮江村落日懸  
誰家魚網設平田  
岸頭行客訟風伯  
堂上主人疑水仙  
斗酒急呼聊慰藉  
扁舟欲去重留連  
荒溪白屋

炊煙少縣吏那堪橫索錢

寄光福徐雪屋

吳下隱君徐雪屋久綠山水伴漁樵孝廉有士還堪薦貧賤  
於人真可驕書卷夜當牋月展布袍寒傍渚風飄銅坑深處  
楊梅熟尙憶題詩坐石橋

送王允達後飲通法寺西軒

杯酒頻將別恨澆日斜酒盡卻無聊獨嫌去客忙騎馬更欲  
尋僧懶度橋小圃杏花春尙淺長溝流水意俱遙年華似與  
人相約牆外鞦韆映柳條

送劉職方時雍赴福建參政

早振詞林五色翰廿年郎署忽彈冠校書劉向成新序判事

姚崇起夏官楚客不驚湖海闊  
閩山能隔雪霜寒  
他時召伯甘棠樹只是南風荔子丹

題啟南畫

閉戶蕭然亂雪中已無賓客晚堂空  
橘梧獨據忘爲我老筆能揮愛此公  
卻構石闌臨絕澗似聞茆屋卷秋風  
十年別卻西莊路歲暮相思白髮同

謁耶律丞相墓

在瓮山下前有石象鬣分三線其長過膝真異人

角端人語大兵還帷幄功高掩伯顏  
身託中原只抔土神歸朔漠自重關  
僧伽香火青松盛翁仲風霜白石頑  
遺象儼然驚嘆久一間空屋倚西山

飲玉泉

龍唇噴薄淨無腥純浸西南萬疊青地底洞名疑小有江南  
泉品類中冷御廚絡繹馳銀甕僧寺分明枕玉屏曾是宣皇  
臨幸處游人誰復上高亭

賀秦修敬八十

扁舟憶泊錫山東十載丰神夢寐中巢父釣竿隨海霧陶僊  
笙樂坐松風朝廷錫誥還因子鄉社評詩合讓公第二泉甘  
真可釀百杯春酒莫教空

次韻達賓之作書戲效拙體

書家新樣出眉山若擬丰姿定玉環硯沼百坡空對影管城  
一孔但窺斑籀模惡札劣唐楷結構奇材得魯般此意亦知  
聊戲我試看攪奪語尤頑

來詩小序有勿怪攪  
奪蘇家行市之語

竹園壽集

麓堂詩話吳文定善蘇轍予嘗作簡戲效其體文定  
作斑字般字韻詩戲子子和答之往復各五首子斑  
字有曰心同好古生差晚力欲追君養恐斑搨遍吳  
箋猶送錦搨殘湘管半無斑換羊價重街頭帖畫虎  
心勞紙上斑雲間天馬誰爭步水底山雞自照斑般  
字曰聊以師模歸有若敢將交行比顏斑鄭師仁許  
三降楚墨守終能九卻般文心捧處慚施女筆陣圍  
時困楚般文定詩大有佳句今失其稿求之未得也

七客同期賀誕辰古詩三壽句如新合爲一百八十歲

做樂天語

總是東西南北人露下高松如細雨風迴曲徑捲湘筠杏園

雅集今重見良史當筵亦寫真

魏翁家藏集太子太傅吏部尚書鄧屠公太子少保  
戶部尚書曲陽周公都察院右都御史鄆城伯公同  
生正統庚申至今弘治己未同躋六十伯公之生差  
先屠公稍後介其中爲周公乃五月四日也是日諸  
僚友若戶部尚書祥符王公太子少保左都御史烏  
程閣公吏部左侍郎舒城秦公戶部左侍郎靈寶許



題畫

公右侍郎睢州李公右副都御史臨淮顧公及予七  
人卽因公私第之後園置酒合賀情好甚洽賓主盡  
醉皆以爲自壽筵以來無若此盛者予忝預茲集  
乃首賦四韻爲倡諸公咸和之秦公別集古句諸公  
又和之周公復白有作又咸和之皆以爲自壽章  
以來亦無若此盛者坐有善繪事者爲錦衣二呂君  
屠公援宣德初館閣諸老杏園雅集故事曰昔有圖  
此獨不可圖乎二君遂欣然模寫各極其態因按其  
次第繫於卷中其始並湖石坐者左爲侶公右爲許  
公一童子拍手導鶴舞以娛之爲周公坐稍遠使其  
二子共具伯曰大學生孟捧杯前行仲曰刑部主事  
曾方拱立聽命竝立竹間者左爲李公右爲顧公皆  
凝然有思若索句狀屠公則章已成一童子捧硯從  
竹下書據石案而題卷者爲予共坐而坐持筴者爲  
王公執麈尾者爲閔公亦若有所思者獨坐而握卷  
則爲秦公其集句已就之時歟若二君左爲紀右爲  
文英展畫並觀而圖終焉園中草木非一種而竹多  
且茂故以竹園壽集題卷首卷成轉寫各得一卷藏  
于家又出屠公之意云是歲六月二十八日吏部左  
侍郎長洲吳寬序

漁舟凍不移況有樵斧響占斷梅花灣甘爲五湖長

竹禽圖

江南煙雨竹枝低一箇子規枝上啼日暮不須啼更急行人  
初到秣陵西

次韻天全翁遺光福徐用莊雪湖賞梅

永和人物數諸王曲水難勝一野航得似太湖三萬頃梅花  
灣裏作家鄉

王澹游歲寒圖

後有王叔明題

修竹風回玉珮清松聲相和紫鸞笙北人不識梅兄面莫怪  
王蒙說手生

馬中錫

三十六首

中錫字天祿故城人成化乙未進士授給事中出爲雲南按察僉事改陝西入爲大理少卿擢右副都御史巡撫宣府引疾歸起撫遼東召拜兵部侍郎以忤劉瑾改南工部尋勒致仕逮繫詔獄斥爲民瑾誅起撫大同遷右都御史提督軍務進左都御史以師老無功下獄尋死獄中有東田集六卷

孫緒沙溪集東田詩憫時痛俗以極於體物盡性而要諸變雄渾深沈無急蹙狹小之病間於閨情幽思旅懷宮怨以自況而閒情逸興時得之諷誦之外田按東田集句律渾成有明珠走盤彈丸脫手之妙是時茶陵執盟詩壇東田別派孤行可謂特立之士

春詞

紅梅花插銀瓶小紫降煙隨金篆裊病酒假香起尙遲流蘇

帳煖雞催曉是誰偷捲繡簾窺庭院推鹽總不知小立風前  
梳洗罷笑團雪打綠衣兒

幽居

幽居人不到撫景自流連露重花垂地風狂絮上天鶯聲行  
酒曲榆莢買春錢只恐王維過相疑是輞川

冬夜偶書

甲第慵投刺朝衣瘦不勝睡於冬夜足詩向閨年增家近通  
書易官貧立券仍幾思歸栗里江守欠王弘

有所思

想象當時貌雲鬢內櫟梳鞦金描蛺蝶領玉綴蟾蜍淺黛春  
山遠嬌姿豔杏初而今成間阻何處可通書

過懷安廢城

古城多年廢牛羊散碧蕪水聲南入漢山勢北連胡士馬乘  
秋簡旌麾向曉徂所希邊報靜麟閣未須圖

西菴

坐愛禪房靜來憑曲徑通荳花先雨白柿葉未霜紅籬犬金  
絲小林烏玉項同猶嫌城市近或有趁齋翁

同錢大用早秋遊西園

迤邐入西園花香襲酒樽門臨三汊水橋枕獨家村午樹團  
清影秋苔滑紫痕幸陪熊軾老一醉各忘言

暮春寫懷和貫道韻

宮袍顏色半凋零過盡東風坐小亭燕子不來簾未捲桃花

亂落酒初醒鏡中短髮三分白門外西山十里青無那官閒  
清晝永呼兒讀取楚辭聽

早春省中試筆

畫廊簾幙捲東風退食今朝又自公向煖柳條才半綠怯寒  
花朵未全紅朝衣正辦江頭酒方藥難醫左耳聾何日上章  
辭北闕扁舟去趁陸龜蒙

和劉振之感懷

垂柳陰陰覆苑池省中春去吏先知宮鶯捎蝶衝閒幔簷雀  
將雛過別枝盡日阜囊無一事幾時黃色見雙眉爲耶愧我  
身先老白髮年來漸覺私

追和振之山行過廣善寺

寺僻林幽石徑賒案頭經卷是楞伽犬閒長晝眠芳草僧背  
斜陽埽落花一幙隔村題酒店亂疊臨水晒漁家偶來竹院  
留詩在香積廚人爲具茶

夏日病中卽事

心如病酒縈飛絮情似傷春對落花茅屋睡殘聞布穀葦籬  
編就架荻瓜客來具飯還燒笋僕出分泉自煮茶誰向山中  
飽諳此笑人騎馬候東華

陳千戶莊上卽事

彷彿裴家綠野堂柴門茅屋竹牀方近檐雲宿林花潤隔隄  
風來水稻香白鳥度山秋欲暝紫駟馱醉路偏長相過此地  
年來幾回首人間吏事忙

秋夜不寐感而有作

白頭搔短對殘缸  
寒鼓聲沈月到窗  
爲客不逢牛渚謝  
攜妻欲學鹿門龐  
愁憑酒破須頻酌  
病與詩塵未卽降  
卻憶扁舟歸去者  
蘆花今夜卧秋江

省中覆和李汝弼韻

白首叨陪鵷鷺行  
北窗爭似傲羲皇  
酒開春蠶愁仍醉  
花落風簾夢亦香  
夜雨溪聲來枕近  
夕陽山影到門長  
自慚岐路迷歸轍  
猶戴朝簪直省廊

立春後禁直

禁門深鎖隔呆恩  
吏散空階鳥下遲  
殘雪未消鵲鵲觀  
煖風先到鳳凰池  
一官多暇文書靜  
十載無能鬢髮衰  
便合放舟



江海去豈應常戀好文時

挽鄧廷曜編修父

門外閭山遮莫青烏皮几在更誰凭圖書壓架思立晏水竹  
移居失杜陵墓石文章鐫細字影堂風雨暗孤燈可憐東省  
西曹客總爲阿翁淚滿膺

王太史園亭同明仲洗馬圭峯侍讀西涯侍講曰川修  
撰正夫提學小飲

再到王猷看竹亭新梢無數入簾青酒開上若斟瓊液門對  
青山列畫屏畫永陰雲垂雨腳樹深幽鳥墮風翎相逢莫漫  
談舊事恐惹花枝笑獨醒

卽事

春雲低樹鵲鳩鳴清曉登樓野望平近郭人家初播種養花  
天氣易陰晴危欄偶受東風倚芳草偏勞遠客情況復日來  
新病起沈腰消瘦可憐生

同泰上人縱步東園

散策東園一徑斜去城尺五未爲賒春光試煖先楊柳風信  
猶寒困杏花心靜人無朝報擾眼明應少市塵遮從遊此地  
誰爲伴惠遠年來鬢亦華

閨怨

羞把高樓玉笛吹玉人心不似當時歸期屢負金錢卜別恨  
虛勞錦字詩醒後酒痕猶的歷病中花事已離披口脂面藥  
無消息執扇秋風冷漢姬

居庸關

野色微茫日下春  
長陵西去是居庸  
貔貅萬竈關門戍  
龍虎千年王氣鍾  
地險不須勞北顧  
時平端可笑東封  
我來總爲宣威德  
令尹毋嗔著迷慵

白瀑寺

在居庸關西百里寺中畫壁碑志皆金大定年物也

白雲深處萬重山  
寺在雲山杳靄間  
四壁丹青圖海會  
斷碑文字紀完顏  
唄餘盤石僧初定  
齋罷生臺鳥未還  
世上紅塵應不到  
正宜長日掩柴關

德勝寺

山寺樓臺帶晚霞  
從來車馬不聞譁  
青松樹下盤陀石  
綠水橋邊躑躅花  
老宿殘經猶在案  
前朝斷礎半沈沙  
行人不解

悲遺事爭向村中問酒家

浮圖峪

關城樓櫓出層雲獨自憑高日又曛  
易水遺墟燕太子飛狐故道李將軍  
戍連朔漠兵威盛山隈幽并地勢分  
珥簪怪來無一事虞廷長夏奏南薰

秋日西園

散策西園一徑幽袖風巾雨足淹留  
鳬鷺塘淺葦葭晚蟋蟀籬疏薏苡秋  
怪事謾勞書咄咄別名還擬號休休  
客來莫共談機事抱甕先生已白頭

落花

枝枝狼藉盡闌東眼底穠華又屬空  
弱質可禁三月雨香魂

易斷五更風乍離芳樹應思綠欲點蒼苔不惜紅一片無何  
終萬點曲江愁殺杜陵翁

訪西庵有懷舊僧

門掩空林叩不應西庵猶記舊尋僧花深無路迂雙屐苔滑  
逢橋仗一藤風外吟髯吹短折水邊病骨照稜層年來一鶴  
猶堪煮何事支郎卻養鷹

早春半里橋散步

芳草連村柳蘸隄橫塘北去小橋西淺黃乍泛鵝兒酒嫩冷  
猶欺燕子泥細雨有時沾袖濕閒雲無力度牆低瀛南獨客  
掀髯笑一瞥風光直品題

泊南旺湖連日阻風

荒灣斜日艤扁舟病眼逢春恰似秋鄉思如雲俱北去閒愁  
隨水不東流爲驚旅夢憎黃鳥未息塵機愧白鷗明日謫仙  
祠下過石尤風定一登樓

過分水祠

此地殘年又一經掀篷垂柳正青青雲煙斷處山光出鷗鷺  
來時水氣腥市酒一旗風外竅漁歌雙槳月中聽同來誰道  
貞元客萬慮全灰兩鬢星

絕句

春草碧連天春鶯黃妬柳行人歸未能且醉長安酒

促陳元溥遊水雲亭

萬里橋邊黃四家水香雲煖小亭斜少陵頭白猶強健肯許

樽前醉落花

題小畫

溪友敲門留白魚  
浣花翁舍酒應無  
急呼阿段衝寒雪  
黃四娘家得得沽

短述

繡拈花鬢忙釀蜜  
蠟銜蜨翅亂隨衙  
幽人一笑輟吟事  
獨倚闌干春日斜

春怨

酒痕和淚點羅衣  
掌上纖腰瘦一圍  
燕子不來猶卧病  
半簾紅雨送春歸